

Mick Antoniw AS

Cwnsler Cyffredinol a Gweinidog y Cyfansoddiad

19 Gorffennaf 2022

Annwyl Mick

Offerynnau statudol sy'n deillio o ymadael â'r UE

Yn natganiad y rhaglen ddeddfwriaethol ar 5 Gorffennaf 2022, dywedodd y Prif Weinidog y bydd Llywodraeth Cymru yn dal i ddod ag offerynnau statudol sy'n deillio o ymadael â'r UE i'r Senedd hyd at ddiwedd y flwyddyn hon. Rydym yn ymwybodol y bydd y cyfnod ar gyfer gwneud offerynnau statudol sy'n cywiro o ran ymadael â'r UE yn dod i ben am 23:00 ar 31 Rhagfyr 2022 (yn rhinwedd adran 8(8) o *Ddeddf yr Undeb Ewropeaidd (Ymadael) 2018*).

Rydym hefyd yn ymwybodol bod Llywodraeth y DU wedi cynnig Bil 'Rhyddid yn sgil Brexit'/Cyfraith yr UE a Ddargedwir. Er y Bil arfaethedig hwn, byddwn yn ddiolchgar pe baech yn rhoi gwybodaeth inni ynghylch:

1. nifer yr Offerynnau Statudol sy'n cywiro sy'n deillio o ymadael â'r UE sydd eto i'w gwneud gan Weinidogion Cymru;
2. nifer yr Offerynnau Statudol sy'n cywiro sy'n deillio o ymadael â'r UE sydd eto i'w gwneud gan Lywodraeth y DU y bydd angen cydsyniad Gweinidogion Cymru arnynt;
3. nifer yr offerynnau statudol eraill sy'n deillio o ymadael â'r UE sydd eto i'w gwneud gan Weinidogion Cymru a Llywodraeth y DU.

O ystyried y goblygiadau posibl i'n rhaglen waith yn nhymor yr hydref, ac er fy mod yn sylweddoli y gallai hyn fod yn anodd ei asesu, byddai'n ddefnyddiol pe gallech roi syniad o'r amseriadau tebygol ar gyfer gwneud y ddeddfwriaeth hon.



Byddwn yn ddiolchgar o gael ymateb erbyn 26 Awst.

Yn gywir

Huw Irranca-Davies

Huw Irranca-Davies

Cadeirydd

